

20170827 Saksi ni Jehova
Viktor Nonong Medrano

Dumalaw ngayon sa bahay si Leo at si Joey na mga Saksi ni Jehova. Binanggit ko muna yaong nakita kong "Salón del Reino de Jehova" (Kingdom Hall) sa Guatemala sa paglalakad ko roon via Street View. Labis nang isang milyon daw, sabi ni Leo, ang mga Saksi ni Jehova sa Latinamerika. Tapos, ang tema namin ngayon ay Kreasyonismo kontra Ebolusyon, at ang Tiyera lamang ang may buhay. Binanggit ko yaong isang septilyong planeta sa sansinukob, "1" na may 24 serong nakarugtong. May matematikang probabilidad na may buhay sa labas ng Tiyera ayon sa mga dalubtala. Sabi ko, miski na bakterya o bayrus lamang ang makita ng dalubtala sa labas, iyon ay *tip of the iceberg lamang*. Binanggit ko rin ang sineng *Blade Runner* tungkol sa mga *replicants* o *androids*. Sabi ko, marahil ang mga tao, halaman, at hayop sa ating mundo ay parang plastik na buhay na ginawa ng mas intelihenteng espesye. Pag-uusapan namin muli itong bagay. Sabi ko, wala naman sa Bibliyang eksplisit na sinabing ang Tiyera lamang ang may buhay. (Sabi sa Hudyong Talmud, dinadalaw daw ng Diyos bawat gabi ang 18 000 daigdig.)